

## O CANON DA AUGA

A partir do **1 de xullo de 2012** entrou en vigor o **CANON DA AUGA**, creado pola Lei 9/2010, de 4 de novembro, de Augas de Galicia e desenvolvido polo Decreto 136/2012, de 31 de maio (DOG do 22 de xuño de 2012). En aplicación deste, o Concello de Vilasantar ten a obriga de facturar o canon da auga aos abonados ao servizo municipal de subministro de auga e ingresar os importes percibidos a Augas de Galicia.

Segundo a citada Lei e o Decreto, a cota do canon da auga está constituída por unha compoñente fixa e unha variable, sendo a suma de ambas a cota a facturar de canon da auga.

- a) Cota fixa: A cota fixa será de 0,50 €/mes por vivenda, sempre e cando non se supere o consumo mínimo establecido no primeiro tramo da cota variable, que será de 1,50 €/mes.
- b) Cota variable: é un sistema de tramo en función dos consumos e dos habitantes da vivenda:

Tramos de consumo (m3/mes) en función do número de persoas							
1 persoa	2 persoas	3 persoas*	4 persoas	5 persoas	6 persoas	7 persoas	Tipo de gravame
0 – 2	0 – 4	<b>0 – 6</b>	0 – 8	0 – 10	0 – 12	0 – 14	<b>0,00 €/m<sup>3</sup></b>
3 - 4	5 – 8	<b>7 - 12</b>	9 – 16	11 - 20	13 – 24	15 – 28	<b>0,28 €/m<sup>3</sup></b>
5 - 8	9 – 16	<b>13 – 24</b>	17 – 32	21 – 40	25 – 48	29 – 56	<b>0,36 €/m<sup>3</sup></b>
>8	>16	<b>&gt;24</b>	>32	>40	>48	>56	<b>0,41 €/m<sup>3</sup></b>

\* A Lei establece que por defecto se aplique o tramo de 3 persoas por vivenda

En conclusión, os recibos da auga por consumos feitos a partir do día 1 de xullo de 2012 veranse incrementados co importe correspondente ao canon da auga imposto pola Lei de Augas de Galicia. Nos recibos aparece a cantidade a pagar en concepto do canon da auga, e a cantidade a pagar según as tarifas do Concello.

A tarifa que corresponde pagar ao Concello polo consumo de auga, que tamén está dividida en diferentes tramos e en función do consumo que se faga, aplícase en función da seguinte escala, aprobada na normativa do Concello:

- mínimo ata 20 m3 bimestre: 2,52 €
- de 20 a 40 m3 bimestre: 0,35 €/m3
- A partir de 40 m3 bimestre: 0,55 €/m3
- Conservación contador: 0,40 €
- Conservación acometida: 1 €

Polo tanto:

Por un mínimo de consumo de auga de 19 m3 a cota a pagar ao concello sería 2,52 + 0.40 + 1 e sumado o IVE do 10%, dando un total de 4,31 euros. A esta cantidade engadimos 0,50 € por mes (neste caso sería 0,50 + 0,50 = 1 euro, por ser os recibos bimestrais no Concello, e non mensuais), en concepto de canon da auga, sempre e cando o consumo mínimo a efectos de Augas de Galicia non supere os 6 m3, resultanto un total de 5,31 euros. En resume, o mínimo do recibo da auga que se paga son 5,31 euros.

Cando o consumo de mínimo de auga para o Concello de Vilasantar son 19 m3, para Augas de Galicia o consumo mínimo son 6 m3. Polo tanto, para calcular o canon da auga os 6 primeiros m3 son gratuítos, pero a partir de ahí o tramo de tarifas é diferente ao do Concello.

(Aclaración de dúbidas): algúns veciños ven que pagan distinta cantidade polo consumo de auga, cando non superan o mínimo de 19 m3. A razón é isa. Augas de Galicia non ten en conta o mínimo do Concello, senón que eles aplican outro distinto. Para o Concello o mínimo son 19 m3, e para augas de Galicia o mínimo son 6 m3.

Así algúns **exemplos prácticos** para calcular a cota a pagar serían (cantidades bimestrais):

*Para unha vivenda que teña durante dous meses un consumo de auga de 18 m3: Para a tarifa do Concello non supera os 19 m3, polo tanto vai a pagar o mínimo (4,31 €), pero a efectos de Augas de Galicia supera o seu mínimo de 6 m3, polo que se empezarian a*

aplicar os tramos ata chegar aos 18 m<sup>3</sup>, o que lle supón pagar unha cantidade de 4,68 €, polo que o total do recibo sería  $4,31 + 4,68 = 8,99$  euros.

Para unha vivenda que teña durante dous meses un consumo de auga de 6 m<sup>2</sup>: Para a tarifa do Concello non supera os 19 m<sup>3</sup>, polo que vai a pagar un mínimo (4,31 euros), e a efectos de Augas de Galicia para o canon da auga está no tramo do seu mínimo de 6 m<sup>3</sup>, polo que lle correspondería pagar a cantidade mínima de 1 euro, o que lle supón pagar un recibo de 5,31 euros.

Para unha vivenda que teña durante dous meses un consumo de auga de 13 m<sup>3</sup>: para a tarifa do Concello non supera os 19 m<sup>3</sup>, polo que vai pagar o mínimo de 4,31 euros, pero para calcular o canon da auga sí que supera o mínimo de 6 m<sup>3</sup>, polo que se lle aplicaríase o seguinte tramo de tarifas, o que lle supón pagar 3,28 euros. O que fai un total do recibo da auga de 7,59 euros.

Para unha vivenda que teña durante dous meses un consumo de 25 m<sup>3</sup>: para a tarifa do Concello supera o mínimo, polo que pasará a aplicarse a seguinte tarifa o que lle vai a supoñer unha cantidade de 11,17 euros. E para calcular o canon da auga aplícase o último tramo de tarifas, que lle supón un total de 6,72 euros. Entón o total do recibo a pagar sería 17,89 euros.

Para unha vivenda que teña durante dous meses un consumo de 42 m<sup>3</sup>: para a tarifa do Concello supera o mínimo, polo que se lle aplicará a última tarifa por metro cúbico, que supón unha cantidade de 26,95 euros. E para calcular o canon da auga tamén se aplicará o último tramo de tarifas, o que lle supón unha cantidade de 12,84 euros. Polo tanto pagará un recibo de 39,79 euros.